



Broj: 01-16-12-970- 10 /23  
Banja Luka, 28.04. 2023. godine

Na osnovu člana 7. stav 1. Zakona o sistemu indirektnog oporezivanja u Bosni i Hercegovini („Službeni glasnik BiH“, broj: 44/03, 52/04, 34/07, 4/08, 49/09, 32/13, 91/17), člana 25. Zakona o Upravi za indirektno oporezivanje („Službeni glasnik BiH“ broj: 89/05) člana 69. stav (3) i člana 70. stav (4) Zakona o javnim nabavkama („Službeni glasnik BiH“ broj: 39/14 i 59/22), Direktor Uprave za indirektno oporezivanje, d o n o s i

**O D L U K U**  
**o poništenju otvorenog postupka prikupljanja ponuda**  
**za nabavku i isporuku metalnih carinskih plombi**

I

Poništava se otvoreni postupak prikupljanja ponuda za nabavku i isporuku metalnih carinskih plombi.

II

Postupak poništavanja javne nabavke provešće se shodno odredbama Zakona o javnim nabavkama („Službeni glasnik BiH“, broj: 39/14 i 59/22).

O b r a z l o ž e n j e

Odlukom direktora broj: 01-16-12-970/23 od 22.03.2023. godine odobreno je provođenje otvorenog postupka za prikupljanje ponuda za nabavku i isporuku metalnih carinskih plombi.

Procjenjena vrijednost okvirnog sporazuma iznosi 240.000,00 KM bez PDV-a, koliko iznosi i procjenjena vrijednost pojedinačnog ugovora.

Sredstva za javnu nabavku su osigurana u Budžetu/Finansijskom planu Ugovornog organa na poziciji 613472.

Slijedom navedene Odluke, dana 28.03.2023. godine izvršeno je objavljivanje Obavještenja o nabavci broj: 743-1-1-42-3-53/23.

Zajedno sa objavljivanjem Obavještenja o nabavci na Portalu javnih nabavki, izvršeno je i objavljivanje na WEB sajtu Ugovornog organa - UIO, a nakon toga i u Službenom glasniku BiH.

Dana 18.04.2023. godine u 12.15h, u prostorijama Uprave za indirektno oporezivanje, Banja Luka, Ulica Bana Lazarevića bb, Komisija za javne nabavke imenovana Rješenjem direktora Uprave za indirektno oporezivanje, broj: 01-16-12-970-3/23 od 14.04.2023. godine pristupila je javnom otvaranju blagovremeno pristiglih ponuda.

Na osnovu Izvještaja o preuzimanju Tenderske dokumentacije od strane ponuđača, utvrđeno je da je Tendersku dokumentaciju za nabavku i isporuku metalnih carinskih plombi broj: 01-16-12-970-1/23 od 27.03.2023. godine, preuzelo 13 ponuđača.

U Zapisniku o otvaranju ponuda broj: 02-16-12-970-7/22 od 18.04.2023. godine, Komisija je konstatovala da su blagovremeno dostavljene dvije ponude, i to ponude ponuđača:

- „MIGROS“ d.o.o. Sarajevo, Bunica 24, 71210 Ilidža,
- „ROYAL BODEN“ d.o.o. Laktaši, Nikole Pašića 33, 78252 Trn Laktaši,

te da su isti u svojim ponudama iskazali cijenu kako slijedi:

Naziv ponuđača	Ukupna cijena ponude	Ponuđeni popust
„MIGROS“ d.o.o. Sarajevo, Bunica 24, 71210 Ilidža	Cijena 240.000,00 KM bez PDV-a, odnosno 280.800,00 KM sa PDV-om	-
„ROYAL BODEN“ d.o.o. Laktaši, Nikole Pašića 33, 78252 Trn Laktaši	Cijena 240.000,00 KM bez PDV-a, odnosno 280.800,00 KM sa PDV-om	-

Komisija je na zatvorenoj sjednici pristupila postupku preispitivanja dostavljenih ponuda u smislu kvalifikovanosti istih, shodno uslovima propisanim u Tenderskoj dokumentaciji za nabavku i

isporuku metalnih carinskih plombi broj: 01-16-12-970-1/23 od 27.03.2023. godine, te je nakon izvršenog uvida u dostavljene ponudu utvrdila sljedeće:

Ponuda ponuđača „MIGROS“ d.o.o. Sarajevo, Bunica 24, 71210 Ilidža, broj: 023-1021 od 17.04.2023. godine, ispunjava sve zahtjeve Ugovornog organa definisane Tenderskom dokumentacijom, te je ista ocijenjena formalno pravno i tehnički prihvatljivom za dalji tok vrednovanja.

Ponuda ponuđača „ROYAL BODEN“ d.o.o. Laktaši, Nikole Pašića 33, 78252 Trn Laktaši, broj: 06/23 od 10.04.2023. godine, ispunjava sve zahtjeve Ugovornog organa definisane Tenderskom dokumentacijom, te je ista ocijenjena formalno pravno i tehnički prihvatljivom za dalji tok vrednovanja.

Tačkom 2.2. Tenderske dokumentacije predviđeno je da će se u ovom postupku provoditi e-Aukcija, u skladu sa Pravilnikom o uslovima i načinu korištenja E-aukcije („Službeni glasnik BiH, broj: 66/16).

Nakon e-Aukcije sprovedene dana 27.04.2023. godine, a shodno Izvještaju o toku i završetku e-Aukcije, Komisija je konstatovala da ponuđači nisu snižavali cijenu iskazanu u svojim ponudama, odnosno da cijene ponude ponuđača poslije a-Aukcije iznose kako slijedi:

Naziv ponuđača	Ukupna cijena ponude	Ponuđeni popust
„MIGROS“ d.o.o. Sarajevo, Bunica 24, 71210 Ilidža	Cijena 240.000,00 KM bez PDV-a, odnosno 280.800,00 KM sa PDV-om	-
„ROYAL BODEN“ d.o.o. Laktaši, Nikole Pašića 33, 78252 Trn Laktaši	Cijena 240.000,00 KM bez PDV-a, odnosno 280.800,00 KM sa PDV-om	-

Tačkom 8.1.1. Tenderske dokumentacije propisano je da se u skladu sa članom 64. Zakona o javnim nabavkama ugovor dodjeljuje ponuđaču koji je ponudio najnižu cijenu tehnički zadovoljavajuće ponude.

Kako su u predmetnom postupku javne nabavke cijene svih ponuđača prije i poslije e-Aukcije iskazane u identičnom iznosu, to shodno kriteriju za dodjelu ugovora iz tačke 8.1.1. Tenderske dokumentacije nije moguće izvršiti odabir najpovoljnijeg ponuđača.

Prednje navedeno je i u skladu sa stavom Agencije za javne nabavke objavljenom dana 17.06.2019. godine na internet stranici Agencije [www.javnenabavke.gov.ba](http://www.javnenabavke.gov.ba), prema kojem se u postupku javne nabavke može desiti da su početne cijene identične i da tokom e-Aukcije ne dođe ni do jednog obaranja cijena, te da se u tom slučaju postupak poništava obzirom da nije moguće izvršiti odabir.

Slijedom navedenog, Komisija je dala preporuku direktoru UIO da se otvoreni postupak prikupljanja ponuda za nabavku i isporuku metalnih carinskih plombi otkáže shodno članu 69. stav (3) Zakona o javnim nabavkama, odnosno iz dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Prihvatajući prijedlog Komisije, odlučeno je kao u dispozitivu ove Odluke.

#### **Pouka o pravnom lijeku:**

Ponuđač koji smatra da je Ugovorni organ u toku postupka izvršio povredu odredbi Zakona o javnim nabavkama ima pravo uložiti žalbu.

Žalba se izjavljuje Uredu za razmatranje žalbi putem Uprave za indirektno oporezivanje, ulica Bana Lazarevića bb Banja Luka, u pisanoj formi, u tri primjerka, u roku od 10 dana od dana prijema ove Odluke.

#### **Dostaviti:**

1. 01,
2. 02/1 x2,
3. Arhiva.

